

Canadian North and First Air Merger

Canadian North unalu First Air Atauttimungaqtikut

(June 20, 2019)

Uqauti

Canadian North unalu First Air Atauttimungaqtiqtuk

Minista Pivalliajuliqijikkut Ingilrajuliqijikkullu David Akeeagok ublumi tunijaa una uqauti:

“Transport Canada unalu Competition Bureau iniqhimaliqtaik inungnun nakuaqqutaanun ihivriughinirmiknik uumani tukhiqtauhimajumi atauttimungaqtirutimi ukunani First Air-mi Canadian North-milu, ihumaliuqhimaliqtullu hivumuutipkarniani. Pidjutaani uumani ilitturipkaidjutimi, Nunavut Kavamanga (GN) qajagihimmaagtuq amirittiaqniarhimajaalu pidjuti.

Talvani uumani ihivriuqhinirmi, GN-kut havaktipkaktait maligaliuqtiit tautuktipkailutik qanuraaluktun ihariaginingani Nunavunmiutat pidjutilgit tingmitikkut aullaarutinginni aanniarnikkut aullarutikhani, inmikkun aullaarutini, ubluq tamaat ihariagidjutainnun, agjaqtautikkullu ihagianagtunik, pihimajukhani hulidjutini. Taimaitpiarninganun pidjutiqaqpiarninganun Nunavunmi, GN-kut apirijain havagviit atuquplugin tamaat maligaliqinikkut pittaarutimiknik pipkainikkut hulaqutiit hukkut tingmitdjutainni, akiinnik ublukhainnilu mikkauhimalutik. GN-kullu tukhiqhijamajun angijun amirihimaniit aulapkaidjutainni kinguagun atauttimungaqtirnirmin, pipkainikkut tamaita pidjutikhat qanuriliurutikhaillu maliktaujun.

Aulahimmaqniaqtavun aulahimajun havagutivun pinikkut nakuujunik, akituvallaangittunik kavamatkunnun tingmidjutikhanik Nunavunmun, uqahainnarniaqtavullu ihumaaluutivun takugupta mikhilaaliqtunik hulidjutinik nunallaaptiknun.”

###

Tuhaqtidjutikhanun Uqaqvikhaq:

Matthew Illaszewicz
Atannguq, Tuhaqtidjutinun
Pivalliajulijikkut Ingilrajlulijikkullu
867-975-7818
millaszewicz@gov.nu.ca

[illegible]

News releases are available in Inuktitut, English, Inuinnaqtun and French on www.gov.nu.ca.

Tuhagtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.